



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOUD IN DIE RAADSAAL, MALMESBURY OP DINSDAG, 9 DESEMBER 2025 OM 10:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdd J M de Beer

Lede van die Burgemeesterskomitee:

Rdl D G Bess
Rdl N Smit
Rdh T van Essen
Rdl A K Warnick

Ander raadslede:

Die Speaker, rdh M A Rangasamy

Beampes:

Munisipale Bestuurder, mnr J J Scholtz
Direkteur: Finansiële Dienste, mnr M Bolton
Direkteur: Siviele Ingenieursdienste, mnr L D Zikmann
Direkteur: Beskermingsdienste, mnr H Witbooi
Direkteur: Ontwikkelingsdienste, me J S Krieger
Senior Bestuurder: Inligtingstechnologie- en Kommunikasiedienste, mnr J Pienaar
Bestuurder: Sekretriaat en Rekordsdienste, me N Brand

1. OPENING

Die voorsitter verwelkom lede en open die vergadering met gebed.

2. VERLOF TOT AFWESIGHEID

Kennis geneem van die verskonings ontvang vanaf die Direkteur: Korporatiewe Dienste, me M S Terblanche en die Direkteur: Elektriese Ingenieursdienste, mnr T Möller.

3. VOORLEGGINGS/AFVAARDIGINGS/SPREEKBEURTE

3.1 TOEKENNING DEUR BURGEMEESTER AAN MEV CYNTHIA SLINGERS AS DEEL VAN DIE SERVICE EXCELLENCE-TOEKENNINGS

Die voorsitter noem dat mev C Slingers nie teenwoordig kon wees by die onlangse *Service Excellence*-toekenningsfunksie nie.

Die voorsitter noem, dat alhoewel die doel van die toekennings is om amptenare te vereer vir hulle bydrae tot dienslewering aan die gemeenskap en die doeltreffende funksionering van die Munisipaliteit, daar besluit is om ook lede van die publiek te vereer.

Die voorsitter gee agtergrond tot die betrokkenheid van mev C Slingers in die gemeenskap en op verskeie gemeenskapstrukture. Die voorsitter bedank mev Slingers vir haar onbaatsugtige dienslewering aan die gemeenskap en haar ingesteldheid om 'n bydrae te lewer tot die welstand van die inwoners van die Swartland.

3.1/...

Die voorsitter noem dat dit as 'n groot eer beskou word om die *Service Excellence*-toekenning aan haar te oorhandig.

Mev C Slingers noem dat sy al 56 jaar woonagtig is in die Swartland en hou die aanhaling deur Moeder Theresa voor: "A life not lived for others is not a life".

VIR KENNISNAME

4. NOTULES

4.1 NOTULE VAN 'N GEWONE VERGADERING VAN DIE UITVOERENDE BURGE-MEESTERSKOMITEE GEHOU OP 19 NOVEMBER 2025

BESLUIT

(op voorstel van rdl N Smit, gesekondeer deur rdd J M de Beer)

Dat die notule van 'n Gewone Uitvoerende Burgemeesterskomiteevergadering gehou op 19 November 2025 goedgekeur en deur die Uitvoerende Burgemeester onderteken word, onderhewig aan die volgende regstelling van ernommers:

ITEM 7.8: VERHURING VAN TURING GELEë OP 'N GEDEELTE VAN **ERF 7516** (ipv Erf 7156), JAKARANDASTRAAT, MALMESBURY AAN DIE Ilinge LETHU BUURTWAG (12/1/3/1-8/1)

ITEM 7.13: HERNUWING VAN HUUR VAN **ERF 478** (ipv Erf 471) DARLING VANAF J F & K J KIRSTEN TRUST VIR DOELEINDES OM 'N BRANDWEERSTASIE TE BEDRYF (12/1/3-3)

5. SAKE VOORTSPRUITEND UIT DIE NOTULES

Geen.

6. MAANDVERSLAG: OKTOBER 2025

6.1 MUNISIPALE BESTUURDER (7/1/2/2-7)

Die maandverslag van die Kantoor van die Munisipale Bestuurder vir die maand van Oktober 2025 word ter tafel gelê.

BESLUIT

(op voorstel van rdh T van Essen, gesekondeer deur rdl A K Warnick)

Dat kennis geneem word van die inhoud van die maandverslag van die Direktooraat: Siviele Ingenieursdienste ten opsigte van Oktober 2025.

6.2 KORPORATIEWE DIENSTE (7/1/2/2-1)

Die maandverslag van die Direktooraat: Korporatiewe Dienste vir die maand van Oktober 2025 word ter tafel gelê.

BESLUIT

(op voorstel van rdh T van Essen, gesekondeer deur rdl A K Warnick)

Dat kennis geneem word van die inhoud van die maandverslag van die Direktooraat: Korporatiewe Dienste ten opsigte van Oktober 2025.

6.3 FINANSIële DIENSTE (7/1/2/2-7)

Die maandverslag van die Direktooraat: Finansiële Dienste vir die maand van Oktober 2025 word ter tafel gelê.

Die Direkteur: Finansiële Dienste noem dat die lae kapitaalspandering 'n bekommernis is en ook deur die Ouditeur-Generaal as 'n risiko geïdentifiseer is. Die Direkteur: Finansiële Dienste verduidelik die effek van hoë kapitaalspandering in die laaste twee

6.3/...

maande van die voorafgaande finansiële jaar, onder andere, dat die krediteure betaling tot op 28 dae gestyg het – alhoewel nog binne die NT-norm van 30 dae, word dit as 'n verdere risiko geag.

Rdh T van Essen spreek sy bekommernis uit teenoor die uitstaande debiteure wat op 'n jaarlikse basis styg en bevestig die Direkteur: Finansiële Dienste dat die skuld met R6 tot R6,5 miljoen jaarliks styg en dat die voorsiening wat gemaak moet word vir skuld wat jaarliks styg ook as 'n risiko deur die Ouditeur-Generaal uitgewys is.

Die Direkteur: Finansiële Dienste noem dat die aansoeke vir deernissubsidie toeneem en dat dit toegeskryf kan word aan die verlies aan werksgeleenthede en 'n toename in werkloosheid. Daar sal dus tydens die 90-dae begroting oorweging verleen moet word om die inkomsteperk om te kwalifiseer vir deernissubsidie te verlaag om meer huishoudings te kan akkommodeer. Verder beplan die direktoraat om 'n veldtog te loods om agterstallig skuld in te vorder deur op 'n 50/50 basis die kliënt tegemoet te kom.

BESLUIT

(op voorstel van rdh T van Essen, gesekondeer deur rdl A K Warnick)

Dat kennis geneem word van die inhoud van die maandverslag van die Direktoraat: Finansiële Dienste ten opsigte van Oktober 2025.

6.4 SIVIELE INGENIEURSDIENSTE (7/1/2/2-4)

Die maandverslag van die Direktoraat: Siviele Ingenieursdienste vir die maand van Oktober 2025 word ter tafel gelê.

Die Direkteur: Siviele Ingenieursdienste noem dat alhoewel die damvlakke aansienlik laer is as verlede jaar daar op 'n onlangs Bestuursforumvergadering besluit het om nie waterbeperkings te oorweeg nie.

'n Bespreking volg aangaande die druk op die grootmaatwater-voorsieningstelsel wat toegeskryf kan word aan verskeie faktore, onder andere –

- (1) Verhoogde onttrekking uit stelsel weens bevolkingsgroei;
- (2) Klimaatsveranderinge, bv. hitte-toestande gedurende November;
- (3) Opgradering van meesterplanne om kritiese infrastruktuur vir opgradering te identifiseer;
- (4) Gebrek aan kapitaalspandering oor die laaste 10 tot 15 jaar en die agterstand wat hierdeur ontstaan het met die opgradering van die stelsel – die Direkteur: Siviele Ingenieursdienste noem dat 'n vergadering eersdaags met Zutari Raadgewende Ingenieurs sal plaasvind om die aanwending van die SIDAFF-fondse vir kritiese opgraderings te bespreek;
- (5) Die ontwerp van die stelsel om slegs x2 pompe (alhoewel daar x4 is) te laat loop en die risiko's wat gepaardgaan met aanskakeling van addisionele pomp, bv. wie verantwoordelik gaan wees vir 'n pypbreuk as die druk verhoog word.

Die voorsitter noem dat die belangrik is om kennis te neem van die nodigheid om die grootmaatwaterstelsel op te gradeer met die oog op toekomstige begrotings en die moontlike vervroeg van projekte. Die Direkteur: Finansiële Dienste bevestig dat Swartland Munisipaliteit in 'n gunstige posisie is om 'n groot deel van die projekte te finansier.

Die Munisipale Bestuurder noem die belangrikheid om kapasiteit op die grootmaatstelsels (water, riool en vullisverwydering) te hê om ekonomiese groei te verseker.

BESLUIT

(op voorstel van rdh T van Essen, gesekondeer deur rdl A K Warnick)

- (a) Dat kennis geneem word van die inhoud van die maandverslag van die Direktoraat: Siviele Ingenieursdienste ten opsigte van Oktober 2025;
- (b) Dat daar pro-aktief opgetree word deur 'n skrywe aan die Departement van Waterwese te rig met die versoek om die kanale wat die Voëlveidam voed na te gaan vir gebreke en oorgroeide gedeeltes;

6.4/...

- (c) Dat 'n verdere skrywe aan die Departement van Waterwese gerig word om terugvoering te versoek insake vordering met projekte deur die betrokke departement om leweringsvermoë van die stelsel te verhoog, onder andere, die verhoging van die damwal by die Voëlvleldam, die *Mitchell Pass Diversion Scheme* (kanale vanaf Ceres), en die implementering van die BRVAS-stelsel.

6.5 ELEKTRIESE INGENIEURSDIENSTE (7/1/2/2-6)

Die maandverslag van die Direktoraat: Elektriese Ingenieursdienste vir die maand van Oktober 2025 word ter tafel gelê.

BESLUIT

(op voorstel van rdl D G Bess, gesekondeer deur rdd J M de Beer)

Dat kennis geneem word van die inhoud van die maandverslag van die Direktoraat Elektriese Ingenieursdienste ten opsigte van Oktober 2025.

6.6 ONTWIKKELINGSDIENSTE (7/1/2/2-5)

Die maandverslag van die Direktoraat: Ontwikkelingsdienste vir die maand van Oktober 2025 word ter tafel gelê.

Die Direkteur: Ontwikkelingsdienste noem dat 102 huise die afgelope tyd oorhandig is. 'n Groot probleem wat oor die feesseisoen ervaar word is vandalisme en inbrake by die behuisingprojekte/konstruksie terreine. ASLA is verantwoordelik vir die sekuriteit by die konstruksie-terreine, maar is daar by die onlangse Bestuurspanvergadering besluit dat wetstoepassing ook op 'n gereelde basis sigbaar moet wees by hierdie terreine.

BESLUIT

(op voorstel van rdl D G Bess, gesekondeer deur rdd J M de Beer)

Dat kennis geneem word van die inhoud van die maandverslag van die Direktoraat Ontwikkelingsdienste ten opsigte van Oktober 2025.

6.7 BESKERMINGSDIENSTE (7/1/2/2-3)

6.7.1 PRESTASIEVERSLAG

6.7.2 VERKEER- EN WETSTOEPASSINGSDIENS

6.7.3 BRANDWEERDIENSTE

Die maandverslag van die Direktoraat: Beskermingsdienste vir die maand van Oktober 2025 word ter tafel gelê.

Die Direkteur: Beskermingsdienste, met verwysing na die lae slaagsyfer van leerlinglisensies op die nuwe elektroniese stelsel, noem dat die Departement van Mobiliteit inligting op hulle webtuiste geplaas het om persone te help om beter voor te berei vir die toets. Dit word ook aanbeveel dat die K53-toepassing op selfone afgelaai word vir voorbereiding van die toets.

Die inligting sal op die Munisipaliteit se sosiale media platforms beskikbaar gestel word.

BESLUIT

(op voorstel van rdl D G Bess, gesekondeer deur rdd J M de Beer)

Dat kennis geneem word van die inhoud van die maandverslag van die Direktoraat Beskermingsdienste ten opsigte van Oktober 2025.

7. NUWE SAKE

7.1 MANDAAT: MUNISIPALE PRESTASIE, RISIKO EN OUDITKOMITEE (5/15/1/3)

Die Handves van die Prestasie, Risiko en Ouditkomitee bevat die rolle en verantwoordelikhede van lede en moet op 'n gereelde basis hersien word vir goedkeuring deur die Uitvoerende Burgemeesterskomitee.

7.1/...

BESLUIT

(op voorstel van rdl N Smit, gesekondeer deur rdl D G Bess)

Dat die Handves van die Prestasie, Risiko en Ouditkomitee deur die Uitvoerende Burgemeesterskomitee goedgekeur en deur die lede van die Prestasie, Risiko en Ouditkomitee aanvaar word vir hulle om bewus te wees van hul verantwoordelikhede.

7.2 NOTULES VAN 'N MUNISIPALE PRESTASIE, RISIKO EN OUDITKOMITEE-VERGADERING GEHOU OP 19 EN 26 AUGUSTUS 2025 (5/15/1/3)

Die Ouditkomitee dien as 'n volwaardige onafhanklike komitee van die Raad en vervul sy funksie ingevolge die bepaling van artikel 166 van die Plaaslike Regering: Munisipale Finansiële Bestuurswet, Nr 56 van 2003.

Die notules van die Munisipale Prestasie en Risiko Ouditkomitee vergaderings onderskeidelik gehou op 19 Augustus 2025 en 26 Augustus 2025 is met die sakelys gesirkuleer, en bevat geen aanbevelings aan die Uitvoerende Burgemeesterskomitee vir oorweging nie.

BESLUIT

(op voorstel van rdl N Smit, gesekondeer deur rdh T van Essen)

Dat kennis geneem word van die notules van die Munisipale Prestasie, Risiko en Ouditkomitee se vergaderings van 19 and 26 Augustus 2025.

7.3 TENDER L01/25/26: VERKOOP VAN ERF 1071 CHATSWORTH (8/2/2/8)

Die Raad het in Julie 2021 in beginsel goedkeuring verleen vir die vervreemding van Erf 1071, Chatsworth ingevolge die wetgewende vereistes. Daar is verder besluit om die eiendom by wyse van 'n publieke tender beskikbaar te stel, onderhewig aan die suksesvolle hersonering van Erf 1071, Chatsworth vanaf Publieke Oopruimte Sone 1 na Besigheid Sone 1.

Die hersoneringsproses, beperk tot 'n vergunningsgebruik vir die oprigting van 'n diensstasie en gepaardgaande infrastruktuur en die verkryging van die vereiste Omgewingsmagtiging ingevolge die betrokke wetgewing en regulasies het 'n geruime tyd geduur. Die verkoop van Erf 1071, Chatsworth is eers op 12 Augustus 2025 geadverteer.

Met die sluiting van die tender is daar drie aanbiedinge ontvang, waarvan slegs een tenderaar aan al die vereistes voldoen het.

BESLUIT

(op voorstel van rdl D G Bess, gesekondeer deur rdd J M de Beer)

- (a) Dat kennis geneem word van die prosesse wat gevolg is vir Tender L01/25/26 (Verkoop van Erf 1071 Chatsworth) om toegeken te word aan Emerald Fire Trading 216 CC vir die bedrag van R851 212.85 BTW uitgesluit;
- (b) Dat die oordrag van die bate (onderwerp eiendom) aan Emerald Fire Trading 216 CC goedgekeur word, en die Verkooppooreenkoms onderteken word deur die Direkteur: Korporatiewe Dienste.

7.4 TENDER L02/25/26: VERKOOP VAN ERF 11350 (IRISSTRAAT) MALMESBURY (8/2/2/8)

Die Raad het in Maart 2025 in beginsel goedkeuring verleen vir die vervreemding van Erf 11350, Irisstraat, Malmesbury (groot ±229 m²) by wyse van 'n publieke tender.

Tenders is uitgenooi om 20 Mei 2025, nadat geen besware ontvang is vir die vervreemding van die betrokke erf nie, en met die sluitingsdatum is drie aanbiedinge ontvang. Slegs een tenderaar het aan al die vereistes voldoen.

Besluit

7.4/...

BESLUIT

(op voorstel van rdd J M de Beer, gesekondeer deur rdl D G Bess)

- (a) Dat kennis geneem word van die prosesse wat gevolg is vir Tender L02/25/26 (Verkoop van Erf 11350 Malmesbury) om toegeken te word aan Mahlape Abigail Tsolo vir die bedrag van R309 000.00 BTW uitgesluit;
- (b) Dat die oordrag van die bate (onderwerp eiendom) aan Mahlape Abigail Tsolo goedgekeur word, en die Verkoop-ooreenkoms onderteken word deur die Direkteur: Korporatiewe Dienste.

7.5 VERHURING VAN TENNIS KLUBHUIS EN SKEEPSVRAGHOUER AAN DIE OMEGA RESIES DUIWEKLUB MALMESBURY, GELEë OP 'N GEDEELTE VAN ERF 13044 TE WESBANK SPORTGRONDE, MALMESBURY (17/9/2/2-8)

'n Aansoek is ontvang vanaf die Omega Resies Duiweklub Malmesbury om vir 'n verdere termyn die Tennisklub en Skeepsvraghouer geleë op die Wesbank Sportgronde vir die uitvoering van hulle aktiwiteite te huur.

BESLUIT

(op voorstel van rdd J M de Beer, gesekondeer deur rdh T van Essen)

- (a) Dat in terme van Regulasie 34 van Munisipale Bate Oordrag Regulasie, saamgelees met die Munisipale Bate Oordrag Beleid (2014), goedkeuring verleen word vir die verhuring van die tennis klubhuis en skeepsvraghouer, geleë op 'n gedeelte van Erf 13044 Malmesbury by die Wesbank Sportgronde, Alfastraat aan die Omega Resies Duiweklub Malmesbury, onderworpe aan die standaard voorwaardes asook die volgende voorwaardes:
 - (i) Dat die verhuring vir 'n tydperk van 10 maande sal duur vanaf 1 Februarie 2026 tot 30 November 2026;
 - (ii) Dat die huurgeld ten bedrae van R120.00 vir die bogenoemde tydperk, BTW uitgesluit, betaalbaar sal wees deur die huurder;
 - (iii) Dat geen betaling vir diensteverbruik betaalbaar gaan wees nie;
 - (iv) Dat die klubhuis slegs gebruik mag word vir vergaderings en aktiwiteite wat verband hou met die klub en vir geen ander doel nie;
 - (v) Dat die tennisbane nie gebruik mag word vir enige klub-aktiwiteite of die mandjie van duiwe nie;
 - (vi) Dat geringe en interne instandhoudingswerk van die fasiliteit deur en op koste van die huurder onderneem word;
 - (vii) Dat die groter instandhoudings- en opgraderingswerk deur en op koste van die Munisipaliteit onderneem word;
- (b) Dat, ingevolge paragraaf 13.1.3 van die Bate Oordrag Beleid, dit geboekstaaf word dat die Omega Resies Duiweklub 'n prioriteitsbehoefte in die gemeenskap sal bevredig, deurdat nie alleen lede van die klub nie, maar ook dié van twee ander, geakkommodeer sal word om voort te gaan met die beoefening van die sport.

7.6 VOORGESTELDE HERNUWING VAN VERHURING VAN 'N GEDEELTE VAN MUNISIPALE GEBOU, ERF 1217 ABBOTSDALE, GELEë IN SONNEBLOMSTRAAT AAN ABBOTSDALE JEUGONTWIKKELINGSORGANISASIE (12/1/3/1-1/1)

'n Aansoek is ontvang vanaf die Abbotsdale Jeugontwikkelingsorganisasie om 'n gedeelte van die munisipale gebou geleë op Erf 1217, Abbotsdale vir 'n verdere termyn te huur.

Besluit/...

7.6/...

BESLUIT

(op voorstel van rdl N Smit, gesekondeer deur rdl A K Warnick)

- (a) Dat, in terme van Regulasie 34 van Munisipale Bate Oordrag Regulasie, saamgelees met die Munisipale Bate Oordrag Beleid (2014) goedkeuring verleen word vir die hernuwing van verhuring van 'n gedeelte van die munisipale gebou, geleë op Erf 1217 Abbotsdale, Sonneblomstraat, aan die Abbotsdale Jeugontwikkelingsorganisasie (Registrasie nr. 316-159-NPO), onderworpe aan die standaard voorwaardes asook die volgende voorwaardes:
 - (i) Dat die huurtermyn vir 'n tydperk van twee jaar sal duur vanaf 01 Januarie 2026 tot 31 Desember 2028;
 - (ii) Dat huurgeld ten bedrae van R120.00 per jaar, BTW uitgesluit ten opsigte van jaar 1 verhaal word, onderhewig aan eskalasie bereken op die Verbruikersprysindeks (VPI) vir jaar 2;
 - (iii) Dat die munisipale gebou slegs vir die voorsiening van 'n gemeenskapsontwikkelingsdiens aangewend word en vir geen ander doel nie;
- (b) Dat, in terme van paragraaf 12.2.1.4 van die Bate Oordrag Beleid, dit in die belang van die gemeenskap sal wees om die eiendom te verhuur vir gemeenskapsontwikkelings-doeleindes.

7.7 UITSTAANDE DEBITEURE: NOVEMBER 2025 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

BESLUIT

Dat kennis geneem word van die verslag aangaande die stand van Swartland Munisipaliteit se uitstaande debiteure vir November 2025.

7.8 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

Die Munisipale Bestuurder bevestig dat daar met ander munisipaliteite geskakel is vir raad oor metodes om bates te beskerm en dat die aangeleentheid ook op die DCF bespreek was. George Munisipaliteit het aangedui dat hulle 'n amptenaar aangestel het om alle diefstal klagtes te ondersoek. Indien dit 'n opsie is vir Swartland Munisipaliteit moet dié amptenaar meeding met alle ander personeelbehoeftes wat bestaan.

Die Munisipale Bestuurder noem dat dit nie slegs die SAPD is wat die munisipaliteit faal in ondersoeke nie, maar ook Justisie.

BESLUIT

Dat kennis geneem word van die stand van uitstaande versekeringseise tot en met 30 November 2025 soos met die sakelys gesirkuleer.

7.9 AFWYKING VAN VOORGESKREWE VERKRYGINGS-PROSEDURES: HERSTEL VAN NISSAN NP300 2.5 MID, CK 29283 (8/1/B/2)

Die voertuig word aangewend deur die Rioolafdeling in Malmesbury. Tydens die diens van die voertuig deur Nissan Malmesbury is sekere gebreke opgetel vir herstelwerk.

BESLUIT

- (a) Dat kennis geneem word van die afwyking van die voorgeskrewe verkrygings-prosedures ingevolge paragraaf 36 van die Voorsieningkanaalbestuursbeleid;
- (b)/...

7.9/...

- (b) Dat kennis geneem word van die aksie van die Munisipale Bestuurder om goedkeuring te verleen vir herstelwerk van die Nissan NP300 2.5 MID, CK 29283 deur Nissan Malmesbury ten bedrae van R27 887,74 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Nissan Malmesbury die gemagtigde agent van Nissan NP300 is;
- (d) Dat die uitgawe ten bedrae van R27 887,74 (BTW uitgesluit) teen posnommer 9/2-18-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.10 AFWYKING VAN VOORGESKREWE VERKRYGINGSPROSEDURES: HERSTEL VAN CATERPILLAR LAAIGRAAF, CK 42953 (8/1/B/2)

Die voertuig word aangewend in die Straat- en Stormwaterafdeling in Moorreesburg. Barloworld Equipment is genader nadat die voertuig probleme gegee het om die fout vas te stel.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die herstel van die *hydraulic cylinder* en vervanging van die *rocker box cover seal* van Laaigraaf, CK 42953 deur Barloworld Equipment ten bedrae van R85 889,51 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Barloworld Equipment die gemagtigde agent van Caterpillar-voertuie is;
- (d) Dat die uitgawe ten bedrae van R85 889,51 (BTW uitgesluit) teen posnommer 9/7-10-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.11 AFWYKING VAN VOORGESKREWE VERKRYGINGSPROSEDURES: DIHERSTEL VAN LAAIBED-SLEEPWA, CK 11917 (8/1/B/2)

Die laaibed-sleepwa word gebruik om swaar masjinerie te vervoer, spesifiek vir die opruiming van onwettige vullisstorting regoor die Swartland munisipale area.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel (*repair of the rockers and spring packs*) van die laaibed-sleepwa, CK 11917 deur UD Trucks Malmesbury ten bedrae van R65 210,81 (BTW uitgesluit);
- (c) Dat verder kennis geneem word dat, in terme van paragraaf 36(1)(a)(v) van die Voorsieningkanaalbestuursbeleid, dit nie moontlik was om 'n formele tenderproses te volg nie, omrede:

7.11/(c)...

- (i) Die veringkomponente uitmekaar gehaal moes word om die kwotasie voor te berei;
- (ii) Dit was onprakties om meer kwotasies te bekom, aangesien dit hermontering en verdere uitmekaar haal by ander werksinkels sou vereis het;
- (d) Dat die uitgawe ten bedrae van R65 210,81 (BTW uitgesluit) teen posnommer 9/6-63-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.12 AFWYKING VAN VOORGESKREWE VERKRYGINGSPROSEDURES: HERSTEL VAN ISUZU KB 250 FLEETSIDE REGULAR CAB, CK 47091 (8/1/B/2)

Die voertuig word aangewend in die Waterafdeling in Malmesbury. Die voertuig is na die gemagtigde agent, Isuzu Malmesbury, geneem nadat ondervind was dat die voertuig onstabiel op die pad is.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die Isuzu KB 250 Fleetside Regular CAB, CK 47091 deur Isuzu Malmesbury ten bedrae van R26 705,25 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Isuzu Malmesbury die gemagtigde agent van Isuzu-voertuie is;
- (d) Dat die uitgawe ten bedrae van R26 705,25 (BTW uitgesluit) teen posnommer 9/2-73-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.13 AFWYKING VAN VOORGESKREWE VERKRYGINGSPROSEDURES: HERSTEL VAN LANDINI TREKKER, CK 36823 (8/1/B/2)

Die voertuig word gebruik in die Parke-afdeling in Malmesbury. Die koppelaarstelsel van die trekker het probleme gegee en 'n kwotasie is vanaf Weskus Meganisasie bekom.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die koppelaar van die Landini-trekker, CK 36823 deur Weskus Meganisaise ten bedrae van R35 595,00 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Weskus Meganisasie die gemagtigde agent van Landini-trekkers is;

7.13/...

- (d) Dat die uitgawe ten bedrae van R35 595,00 (BTW uitgesluit) teen posnommer 9/5-15-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.14 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN DIE DOMPPELWATERS POMP NO 1 BY DIE INLAATWERKE VAN MALMESBURY WWTW (8/1/B/2)

Die inlaatwerke by die Malmesbury WWTW ontvang rou riool en dompelpompe maak die gravitasievloei van die riool na die res van die behandelingsprosesse moontlik.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuurs-beleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstelwerk aan die dompelpomp by die Malmesbury WWTW deur CAW ten bedrae van R80 600,00 (BTW uitgesluit);
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) Die dompelpomp sou vir 'n geruime tyd buite werking gelaat word indien die normale verkrygingsproses gevolg is;
 - (ii) Voormelde sou aanleiding gee tot die faling van die behandelingsproses en 'n oorfloei van riool by die stelsel en 'n onderbreking in die lewering van die riooldiens;
 - (iii) Die herstel van die dompelpomp is dus as 'n noodgeval hanteer;
- (d) Dat die uitgawe ten bedrae van R80 600,00 (BTW uitgesluit) teen posnommer 9/239-849-425 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.15 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN DIE TELMETRIE TOERUSTING BY DIE WESBANK WATERTORING RESERVOIR EN DIE WESBANK AANJAAGPOMPSTASIE (8/1/B/2)

Tydens 'n inspeksie is gevind dat sekere komponente van die telemetriestelsel by die Wesbank Watertoring Reservoir en die Wesbank Aanjaagpompstasie nie effektief funksioneer nie. Die telemetriestelsel beheer die vlakke van die reservoir deur die regulering van die aan- en afskakeling van die pompe en indien buite kan daar 'n onderbreking in watervoorsiening aan die omliggende residensiële area plaasvind.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die telemetrie toerusting by die Wesbank reservoirs deur Spectrum Communications ten bedrae van R152 598,82 (BTW uitgesluit);
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) Die telemetriestelsel wat die reservoirvlakke beheer deur die begin-/stop van aanjaagpompe by die Wesbank reservoirs het foutief geraak;

7.15/(c)...

- (ii) Indien die telemetriestelsel nie herstel word nie, sal daar 'n onderbreking wees in die watervoorsiening aan inwoners;
- (iii) Die herstel van die pomp is dus as 'n noodgeval hanteer;
- (d) Dat die uitgawe ten bedrae van R152 598,82 (BTW uitgesluit) teen posnommer 9/249-1143-543 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.16 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN ELEKTRIESE EN MEGANIESE TOERUSTING BY DIE WESBANK WATERTORING POMPSTASIE (8/1/B/2)

Die funksie van die pompstasie by die Wesbank Watertoring is om die gravitasie-toevoer van drinkwater na die omliggende woonbuurte rondom die reservoirs en die Watertoring te verhoog.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstelwerk verskeie toerusting by die Wesbank Watertoring deur Tricom Africa ten bedrae van R109 427,00 (BTW uitgesluit);
- (c) Dat die redes van die afwyking van die voorgeskrewe verkrygingproses soos volg aangeteken word:
 - (i) Die pompstasie wat drinkbare water aan omliggende gemeenskappe voorsien, was buite werking gelaat weens verskeie elektriese en meganiese toerusting wat foutief was;
 - (ii) Indien die pompstelsel nie herstel word nie, sal daar 'n onderbreking wees in die watervoorsiening aan inwoners;
 - (iii) Die herstel van die pomp is dus as 'n noodgeval hanteer;
- (d) Dat die uitgawe ten bedrae van R109 427,00 (BTW uitgesluit) teen posnommer 9/249-679-259 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.17 AFWYKING VAN VOORGESKREWE VERKRYGINGSPROSEDURES: HERNUWING VAN TREND-MICRO LISENSIE (8/1/B/2)

Die implementering van die Trend-Micro Lisensie spruit voort uit die aanbevelings deur kundiges na die sekuriteitsbreuk in Oktober 2020.

Die doel van Trend-Micro as 'n eindpunt-opsporing- en reaksiefunksie is om gedraganalise van rekenaartoestelle en alle geïnstalleerde sagteware wat aan die IT-netwerk gekoppel is te monitor vir enige menslike aktiwiteit. Sodoende word die netwerk beskerm teen enige onregmatige toegang.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die hernuwing van die Trend-Micro lisensie;

7.17/...

- (c) Dat die rede vir afwyking van die voorgeskrewe verkrygingsprosedures soos volg aangeteken word:
 - (i) Trend-Micro is intensief geïntegreer met die bestaande stelsels en die risiko om dit te vervang met 'n nuwe produk wat nog nie saam met die res van die stelsels getoets is nie, is 'n risiko wat hoër is as die Risiko Aptyt en dus moet verdere navorsing en toetsing gedoen word voordat 'n deurdagte besluit geneem kan word;
- (d) Dat die uitgawe ten bedrae van R447 647,17 (BTW uitgesluit) teen posnommer 9/216-655-1925 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.18 IMPLEMENTERING VAN REGULASIES 6292: HERSIENDE VERPLIGTENDE NASIONALE WATER- EN SANITASIE DIENSSTANDAARDE IN TERME VAN ARTIKEL 9(1) VAN DIE WET OP WATERDIENSTE (WET 108 VAN 1997) (16/1/1/B)

Die Direkteur: Siviele Ingenieursdienste verwys na die nuwe Regulasies No 6292 wat afgekondig is met betrekking tot die verpligte implementering van die Nasionale Water- en Sanitasie Standaarde.

Die verslag bevat die vereistes waaraan Waterowerhede moet voldoen met aksieplanne en tydsraamwerke en noem die Direkteur: Siviele Ingenieursdienste dat Swartland Munisipaliteit reeds voldoen aan van die vereistes, maar dat daar ander is wat nie binne die gegewe tydsraamwerk bereik sal kan word nie.

Die Munisipale Bestuurder noem dat die nuwe standaard verrykende implikasies vir munisipaliteite inhou, onder andere, dat die betrokke dienste ook aan die landelike gebied gelewer moet word. Verder het 'n begrotingsimplikasies ten opsigte van Koste van Voorsiening Studies wat voltooi sal moet word vir implementering vanaf 1 Julie 2027.

BESLUIT

(op voorstel van rdh T van Essen, gesekondeer deur rdl A K Warnick)

- (a) Dat kennis geneem word van die wetgewende vereistes van nakoming van Regulasie 6292, die Gewysigde Verpligte Nasionale Water- en Sanitasiedienste Standaarde wat afgekondig is ingevolge Artikel 9(1) van die Wet op Waterdienste, Wet 108 van 1997;
- (b) Dat verder kennis geneem word van die bepalings van Regulasie 6292 wat nie binne die gespesifiseerde tydraamwerke, soos aangedui in die aangehegte Nakomingsplan, bereik sal kan word nie;
- (c) Dat goedkeuring verleen word vir die indiening van die Nakomingsplan op die Geïntegreerde Reguleringsinligtingbestuurstelsel van die Departement van Water- en Sanitasiedienste.

**(GET) J H CLEOPHAS
UITVOERENDE BURGEMEESTER**